

Johtočála 2025-34

Dáhton 01.07.2025

Buhtada johtočállaga: 2023-40

Njuolggadus doarjaga birra riidoeastadeaddji doaibmabijuide boazodoalu ja eará guoskevaš beali gaskavuodas - kommentárat njuolggadussii

Kommentárat ja čilgehusat doarjjanjuolggadussii riidoeastadeaddji doaibmabijuide boazodoalu ja eará guoskevaš beali gaskavuodas.

Sisdoallu

Álggahus	3
Obbalašgovva rievdadusaid badjel	3
Njuolggadusa mearrádusat	4
§ 1. Ulbmil	4
Kommentárat mearrádussii	4
§ 2. Oassebealit	4
Kommentárat mearrádussii	4
§ 3. Doarjjaeavttut	4
Kommentárat mearrádussii	5
§ 4. Erenoamážit áidedoaibmabijuid birra	7
Kommentárat mearrádussii	7
§ 5. Áššegiedahallan	8
Kommentárat mearrádussii	8
§ 6. Juolludanváldi	9
Kommentárat mearrádussii	9
§ 7. Máksin	9
Kommentárat mearrádussii	9
§ 8. Bearráigeahčču	10
Kommentárat mearrádussii	10
§ 9. Raporteren	10
Kommentárat mearrádussii	10
§ 10. Ruoktotmáksin	11

Kommentárat mearrádussii.....	11
§ 11. Dispensašuvdna	11
Kommentárat mearrádussii.....	11
§ 12. Váidin	12
Kommentárat mearrádussii.....	12
§ 13. Fápmuiboahhtin	12
Kommentárat mearrádussii.....	12

Álggahus

Ortnet riidoeastadeaddji doaibmabijut leat mearriduvvon njuolggadusas geassemánu 19. beaivvi 2008 nr. 707 doarjaga birra riidoeastadeaddji doaibmabijuide boazodoalu ja eará guoskevaš beali gaskavuodas.

Njuolggadusas lea láhkavuodđu boazodoallolágas § 82a, eanandoallošiehtadusas ja Stuoradikki jahkásaš áššemearrádusas boazodoallošiehtadusa birra.

Kommentárat das leat addojuvvon njuolggadussii rievdadusaiguin mat gustojit suoidnemánu 1. beaivvi 2025 rájes.

Obbalašgovva rievdadusaid badjel

Málle áidehuksemii

Eanandoallodirektoráhtta lea ožžon gohččuma šiehtadanbeliin ráhkadit málle áidehuksemii dakkár áiddiide maidda sáhtta oazžut doarjaga riidoeastadeaddji doaibmabijuid ortnega čađa. Málle gávdno Eanandoallodirektoráhta neahttasiidduin, ja dan fertejit buohkat geat ožžot doarjaga dan ortnega mielde geavahit go ceggejit áiddiid.

§ 2. Oassebealit

Mearrádus dárkkuha dal ahte boazosearvvit maid gullet riidoeastadeaddji doaibmabijuid ortnega vuollái ja sii sáhttet ohcat doarjaga oassebeallin go leat riiddut eanandoaluin ja/dahje eará guoskevaš beliin.

Njuolggadusa mearrádusat

§ 1. Ulbmil

Ulbmil riidoeastadeaddji doaibmabijuid doarjagiin lea unnidit riidduid boazodoalu ja eará eanandoalu gaskka, ja riidduid gávpogiid ja bohccuid gaskka.

Gáldu: [Forskrift om konfliktforebygging i reindrift](#) (Lovdata)

Kommentárat mearrádussii

Doarjaga ulbmilin lea doarjut doaibmabijuid mat jogo unnidit dahje eastadit riidduid mat sáhttet čuožžilit boazodoalu ja eanandoalu dahje eará guoskevaš beali gaskkas. Ovdamearkan lea go bohccot guhtot gilvoveatnamiin ja bohccot mat leat gávpotguovlluin.

Ruhtadeapmi lea mearriduvvon boazodoallošiehtadusas Boazodoalu ovddidanfoandda (BOF) bokte ja eanandoallošiehtadusas Eanandoalu ovddidanfoandda (LUF) bokte. Jagi 2023 ovddas lea várrejuvvon oktiibuot 3 miljovna ruvnno ortnegii, sihke BOF ja LUF čađa 1,5 miljovna ruvnno.

§ 2. Oassebealit

Oassebealit dán njuolggadusa mielde leat boazodoallu orohaga, siidda dahje boazosearvvi bokte nuppe bealde, ja juogo eanandoallu ja/dahje eará guoskevaš bealli fas nuppe bealde

Gáldu: [Lovdata](#)

Kommentárat mearrádussii

Njuolggadus gusto dušše doaibmabijuide riidduid oktavuodas boazodoalu ja eanandoalu ja/dahje eará guoskevaš beali gaskkas. Njuolggadus ii gusto siskkáldas riidduide gos goappašat bealit gullaba jogo boazodollui dahje eanandollui.

“Boazodoaluin” oaivvilduvvo das orohat, siida dahje boazosearvi. Siidaoasit ja sierra boazobargit eai gula ortnega mearrádusaide.

“Eanandoallu” beallin oaivvilduvvo ovdamearkka dihte vuodđoeaiggát dahje eanandoallofitnodat. Oktasaš fitnodagaid oktavuodas sáhtta eanandoallofitnodagaid ovtasteapmi leat beallin, ovdamearkka dihte fágasearvvit (boandasearvvit/smávvaeanandoallosearvvit), vuodđoeaiggátsearvvit dahje guohtunsearvvit.

§ 3. Doarjjaeavttut

Go bealit leat ovttaoaivilis, de sáhtta addojuvvot doarjja hukset áiddiid mat suddjejit bargojuvvon eatnamiid, dikšojuvvon guohtumiid, gilvvavuvddiid ja huksejuvvon guovlluid bohccuid guohtuma vuostá. Lea doarjjaeaktun ahte áidi mátasdollojuvvo ja ahte eatnamat mat galget suddjejuvvot, áimmahuššojuvvojit.

Sáhtta addojuvvot doarjja daid áiddiid dárbblaš mátasdoallamii mat ožžot dohkkehuvvot loahpparaportta 2023 rájes. Sáhtta ohcat doarjaga mátasdoallamii áramusat 5 jagi manjel go

áidedoaimma loahpparaporta lea dohkkehuvvon. Áidi galgá leat anus, buori ortnegis ja galgá leat jotkkolaččat mátasdollojuvvon. Sáhtta addojuvvot 10 ruvno mátasdoallandoarjja guđege áidemehtera nammii.

Sierra diliin sáhtta addojuvvot doarjja maidái eará doaibmabijuide, mat váidudit riidduid boazodoalu ja eará beliid gaskavuodas. Go leat doaibmabijut eará beliid ektui go eanandoalu, de galgá nuppi beali ruhtadeapmi leat čielggaduvvon guđege doaibmabiju dáfus ovdal go ohcan ovddiduvvo.

Erenoamáš oktavuodain sáhtta juolluduvvot doarjja helikoptera geavaheapmái, jus boazodoallu háliida dan.

Ohccojuvvon doaibmabijus ferte leat dohkkehuvvon gollomeroštallan badjel 5 000 ruvno. Dábálaččat galget golut juogaduvvot dássálaga beliid gaskka.

Sáhtta addojuvvot doarjja gitta 90 proseantta rádjai dohkkehuvvon gollomeroštallamis.

Jus iežas bargu lea oassin gollomeroštallamis, de lea diibmomáksu 210 ruvno.

Gáldu: [Lovdata](#)

Kommentárat mearrádussii

Vuosttaš lađas: Áidedoaibmabijut

Doarjja eaktuda ahte bealit leat soabadan doaibmabiju birra. Dan galgá čálalaš šiehtadusain duođaštit mas boahtá ovdan ahte goappaš bealit leaba ovttaoaivilis doaibmabidjui.

Doarjja addojuvvo dábálaččat áiddiid ceggemii, mii lea doaibmabidju suddjen dihte guovlluid mat leat namuhuvvon mearrádusas, bohccuid vuostá. Okta eaktu oažžut doarjaga lea ahte áiddi galgá mátasdoallat, ja doarjaga sáhtta oažžut dakkár mátasdoallamii (geahča § 3 nuppi lađđasa kommentáraid). Areála mii suddjejuvvo áiddi ceggema bokte ferte áimmahuššat, das oaivvilduvvo ahte eatnamiid ferte geavahit nu go lei jurddašuvvon. Go suddje bealdoareálaid, kulturguohtumiid dahje šaddoeatnamiid, de galgá suohkana eanandoalloeiseváldi árvvoštallat dan ahte lea go jahkehahtti ahte areála áimmahuššojuvvo nu go mearrádus sihtá.

Váldonjuolggadus lea ahte doaibmabidju ferte leat orohaga rájiid siskkobealde. Doaibmabijut mat unnidit riidduid sáhttet liikká deavdit doarjaga eavttuid vaikko doaibmabidju lea orohatrájiid olggobealde. Dakkár doaibmabijuid ferte árvvoštallat konkrehtalaččat, ja das deattuhuvvo doaibmabiju lagasvuohta orohaga rájiide. Topográfalaš oktavuodat leat maid áššáiguoskevaš árvvoštallanmomeanttat. Doarjjajuolludeapmi doaibmabijuide olggobealde orohaga rájiid ii sisttisdoala ahte orohagas leat vuoigatvuodat geavahit dan guovllu.

Áidemálla

§ 3 vuosttaš lađas ii bija gáibádusaid áiddi hápmái, allodahkii dahje makkár áidi dat galgá leat. Šiehtadanbealit mearridedje boazodoallošiehtadusa 2024/2025 olis ahte galgá ráhkaduvvot málla áiddiid ceggemii maidda oažžu ruhtadeami riidoeastadeaddji doaibmabijuid ortnega čađa. Málla «Tekniske krav til bygging av reingjerder» gárvvistuvvui geassemánus 2025 ja gávdno Eanandoallodirektoráhta neahttasiiddus riidoeastadeaddji doaibmabijuid ortnega vuolde. Málla galget buohkat geavahit geat ožžot doarjaga ođđa áiddiid ceggemii dan ortnega mielde.

Nubbi laðas: Áiddiid mátasdoallan

Sáhtá addojuvvot doarjja daid áiddiid dárbbaslaš mátasdoallamii mat ožžot dohkkehuvvot loahpparaportta 2023 rájes. Doarjaga ii sáhte oažžut boarrásit áiddiide main loahpparaporta lea dohkkehuvvon ovdal ođđajagimánu 1. beaivvi 2023.

Áidi galgá leat anus, buori ortnegis ja galgá leat jotkkolaččat mátasdollojuvvon.

Áiddi dárbbui leat gáibádusat jus galgá oidnojuvvot ahte áidi lea “anus”: Áiddi haga livčče bohccot boahtán suddjejuvvon areálaide. Áiddi dárbbu jávká jus boazu ii šat boađe dan guvlui gosa áidi lea ceggejuvvon. Go áidi lea “buori ortnegis” de oaivvilduvvo ahte áidi lea nu buori ortnegis ahte dat hehte bohccuid beassamis nuppe beallái. Jotkkolaččat mátasdollojuvvon áidi lea dábálaččat buori ortnegis. “Jotkkolaš mátasdoallamiin” oaivvilduvvo ahte áidi divvojuvvon go dasa lea dárbbu, ovdamearkka dihte stráγγgaid lonuhit jus leat ráiggat ja vahágat, ja ahte stoalppuid molsu áiggi mielde. Golut mat čuožžilit áiggi mielde dan barggu oktavuodas sáhttet gokčojuvvot dan mearrádusa mielde.

Goalmmát laðas: Eará doaibmabijut go áiddit mat sáhttet eastadit riidduid

Go bealit leat ovttaoaivilis, de sáhtá addojuvvot doarjja hukset áiddiid mat suddjejit bargojuvvon eatnamiid, dikšojuvvon guohtumiid, gilvvavuvddiid ja huksejuvvon guovlluid bohccuid guohtuma vuostá, nu go lea namuhuvvon vuostas laððasis. Goalmmát laððasa mearrádus rahpá vejolašvuoda spiehkastit muhtun oktavuodain jus leat eará doaibmabijut mat sáhttet eastadit riidduid. Dat rahpá maid eará doaibmabijuide go áiddiid ceggemii. Dakkár doaibmabijuid plána ferte čilgejuvvot doarjjaohcamis.

Njealját laðas: Helikoptergeavaheapmi bohccuid johtimii

Helikoptergeavaheapmi sáhtá “erenomáš oktavuodain” gokčojuvvot. Dan mearrádusas lea “erenomáš oktavuodha” dakkár dilli go ii leat vejolaš geavahit muohtaskohtera dahje bievlavuojániiid guođohan dihte bohccuid eret riidoguovlluin. Juohke ovttá oktavuoda ferte konkrehtalaččat árvvoštallat oaidnin dihte lea go helikopter vuogas doaibmabidju dan ulbmilii. Helikoptergeavaheami goluid galgá bidjat gollomeroštallamii.

Ii sáhte oažžut doarjaga helikoptergeavaheapmái eará ulbmilii go bohccuid guođohit eret.

Go áigu helikoptera geavahit guođohit bohccuid eret, de leat gáibádusat elliidčálgui.

Boazodoallu beallin dat árvvoštallá helikoptergeavaheami dárbbu. Dat lea elliidčálggu dihte, go boazoeaiggát buoremusat máhtá árvvoštallat mii bohccuide lea buoremus konkrehta oktavuodain go galgá guođohit daid eret.

Viðát laðas: Unnimusgolut doaibmabidjui ja goluid juohkin

Ii sáhte oažžut doarjaga doaibmabijuide mat mákset unnibut go 5 000 ruvnno nu go boahat ovdan dohkkehuvvon gollomeroštallamis. Dábálaččat galget golut juogaduvvot dássálaga beliid gaskka. Dat guoská sihke doarjaga juohkimii RUF ja LUF gaskkas ja iežasoasi juohkimii beliid gaskkas.

Guðát laðas: Doarjaga sturrodát

Sáhtá addojuvvot doarjja gitta 90 proseantta rádjai dohkkehuvvon gollomeroštallamis. Loahppa 10 proseantta doaibmabidju goluid ferte doarjjavuostáiváldi ieš gokčat (iežasoassi). Doarjja máksojuvvon go doaibmabidju lea gárvvistuvvon, vejolaččat sáhtá doarjja máksojuvvot osiid mielde jus dasa

vástideaddji oassi doaibmabijus lea duodaštuvvon gárvvistuvvon (geahča § 7 kommentáraid máksima birra). Eaktuduvvo ahte doarjjavuostáiváldis lea dan mađe ekonomijja ahte sáhtá čadahit doaibmabiju ovdal go doarjja máksojuvvo.

Čihččet lađas: ležas bargu

Jus ieš bargá doaibmabiju oktavuodas, de sáhtá dat leat vuodđun doarjagii. ležasbargu galgá leat gollomeroštallamis, ja dat meroštallojuvvo máksomeriin 210 ruvnno diimmus.

§ 4. Erenoamážit áidedoaibmabijuid birra

Áidedoaibmabijuide, maidda eananeaiggáda bealde leat mánnga berošteaddji, galget sii ásahit šiehtadusa huksenbarggu čadaheami ja boahttevaš mátasdoallama birra. Šiehtadus galgá mearridit man stuora oassi vejolaš huksengoluin gullá guđege oassebeallái, ja mo sii galget juogadit mátasdoallama bargguid ja goluid. Šiehtadus sáhtá gulahuvvot giddehussan guoskevaš eatnamiidda.

Jus doarjaga ohcci ii eaiggáduša eatnama gosa rusttet galgá ceggejuvvot, de ferte doaibmabiju čadahepmái vižžojuvvot čálalaš lohpi vuoigatvuođahálddolaččas.

Buot huksenbarggut galget čadahuvvot lágaid ja njuolggadusaide mielde, mat gustojit guovllus gosa rusttega áigu cegget.

Áiderusttegiidda ferte maid ráhkaduvvot bargoválddahus, masa kártii lea sárgojuvvon áidespáitu, ja gollomeroštallan ja ruhtadanplána. Gollomeroštallan sáhtá sisdoallat áidespáittu njáskangoluid, ávnasgoluid ja fievrredan- ja bargogoluid áideceggema oktavuodas. Buhtadusat ja árvoštallangolut eai galgga leat mielde gollomeroštallamis.

Gáldu: [Lovdata](#)

Kommentárat mearrádussii

Vuosttaš lađas: Šiehtadus vuodđoeaiggádiin galgá leat čálalaš ja biddjot mielddusin doarjjaohcamii.

“Mánnga berošteaddji maidda ášši guoská” sáhttet leat dakkárat main lea guohtunriekti (lágiduvvon guohtunsearvvit), bivdinriekti (lágiduvvon vuodđoeaiggátsearvvit/meahcástallansearvvit) ja johtolangeainnuid geavaheaddjit mat rasttildit áiddi. Lea dehálaš ahte váldá oktavuoda dain beliin árrat go pláne áiddi cegget. Go áidi lea meahcis de dat lea hui dehálaš. Vuodđoeaiggát dat dábálaččat diehtá geaid galgá geassit áššái.

Šiehtadus vuodđoeaiggádiin galgá leat čálalaš ja biddjot mielddusin doarjjaohcamii.

Njealját lađas: Gollomeroštallan

Gollomeroštallamis sáhttet leat golut mat leat namuhuvvon mearrádusas. Boares áididiid čorgema golut eai gokčojuvvo dan ortnega čada.

Jus geavaha iežas barggu áiddi ceggema oktavuodas, de dat rehkenastojuvvo bargigollun mii sáhtá leat gollomeroštallamis. ležas barggu goluid meroštallá máksomeari mielde mii lea 210 ruvnno diimmus nu go lea namuhuvvon § 3 njuolggadusas. Geahča § 3 čihččet lađđasa kommentáraid.

§ 5. Áššegiedahallan

Boazodoalu ja eará eanandoalu riidduid oktavuođas galgá sáddet ohcama oktan dohkkehuvvon duodaštusaiguin, nugo namahuvvon 3.§:s, oktanaga sihke gildii ja stáhtahálddašeaddjái báikkálaš boazodoalloeiseváldin (báikkálaš instánssaide). Dat čađahit hálldahuslaš ovtasbarggu áššis ja sáddejit ohcama, sierranassii dahje oktasáččat, oktan cealkámušaideasetguin Trøndelága stáhtahálddašeaddjái. Ohcan boazodoalus ja eará bealis go eanandoalus muđui galgá sáddejuvvot stáhtahálddašeaddjái báikkálaš boazodoalloeiseváldin, mii sádde ohcama oktan cealkámušaidisguin Trøndelága stáhtahálddašeaddjái giedahallamii. Cealkámušat galget sisttisdoallat evttohusa das guđet eavttut ovddidivčče ortnega ulbmila, ja maiddái evttohusa das guđe láhkai golut juogaduvvojit Eanandoalu Ovddidanfoandda ja Boazodoalu Ovddidanfoandda gaska.

Guovlulaš soabahanráđđi¹ sáhtá ovtas oassebeliiguin ovddidit doarjjaohcama njuolga Trøndelága stáhtahálddašeaddjái.

Go sádde ohcama Trøndelága stáhtahálddašeaddjái, de berre evttohit goappá báikkálaš ášahusas galgá leat proševtta čuovvolanovddasvástádus, gč. §§ 6 ja 7.

1 Gč. Gč. Boazoguohtunguovllu soabahanráđi njuolggadusaid, addojuvvon čakčamánu 4. b.1997.

Gáldu: [Lovdata](#)

Kommentárat mearrádussii

Trøndelága stáhtahálddašeaddjis lea našunála ovddasvástádus doarjjaortnegii ja hálddaša doarjjaruđaid olles riikka ovddas. Eanandoalloossodagas lea ovddasvástádus ohcama loahpalaš dohkkeheapmái ja doarjaga máksimii. Áššit meannuduvvojit Agrosis.

Boazodoallofágalaš árvvoštallan galgá leat doaibmabiju vuodđun, árvvoštallan galgá boahit stáhtahálddašeaddji boazodoalloossodagas dan fylkkas gos doaibmabidju čađahuvo, ja suohkana eanandoalloeiseváldi galgá cealkámuša bidjat ovdan ovdal go ohcan meannuduvvo.

Eanandoallokantuvrra ja boazodoalloossodaga buorit árvvoštallamat leat dehálaččat ášši loahppameannudeapmái.

Suohkana rolla riidoeastadeaddji doaibmabijuid ohcama oktavuođas

Suohkana mearrádusat ja plánat sáhtá dahkat dárbbášlažžan eanet eavttuid bidjat doaibmabidjui. Suohkana árvvoštallamis galget dan dihte leat evttohusat eavttuide doallan dihte ortnega ulbmila. Jus áiddi cegge meahccái, de ferte suohkan árvvoštallat dan ahte lea go doaibmabidju mearrádusaid lágas geassemánu 27. beaivvi 2008 nr. 71 mielde plánema ja huksenáššemeannudeami birra (plánen- ja huksenláhka, PBL). Suohkan ferte maid árvvoštallat gulaskuddama dárbbu.

Luondduvalljivuoda ja kulturmuittuid iskan

Suohkan ferte iskat leat go birasárvvut dahje kulturmuittut maidda doaibmabidju váikkuha, vejolaččat fertejit dárbbášlaš dohkkeheamit gávdnot ovdal go ohcan sáddejuvvo loahppameannudeapmái Trøndelága stáhtahálddašeaddjái. Sáhtá ovdamearkka dihte leat dárbu ahte suddjeneiseválddit leat meannudan ohcama ovdal go ohcan doaibmabijuid birra suddjenguovllus sáddejuvvo

Trøndelága stáhtahálddašeaddjái meannudeapmái.

Jus lea dárbu dasa, de sáhtta leat ahte fylkkasuohkan, vejolaččat Sámediggi, lea ožžon doaibmabiju árvvoštallamii jus leat kulturmuittut dan guovllus gosa lea plánejuvvon ahte áidi ceggejuvvo.

§ 6. Juolludanváldi

Trøndelága stáhtahálddašeaddji mearrida doarjjaohcamiid. Stáhtahálddašeaddji sáhtta ieš mearridit nammada go báikkálaš čuovvolanásahusa, gč. 4.

Go Trøndelága stáhtahálddašeaddji miediha ohcamii, de galgá mearridit mo juohkit goluid Eanandoalu Ovddidanfoandda ja Boazodoalu Ovddidanfoandda gaskka, ja dárbbášlaš eavttuid ortnega ulbmila vuhtii váldit. Galgá maid biddjojuvvot áigemearri barggu čađaheapmái. Investerendoaibmabijuid áigemearri lea dábálaččat guokte jagi.

Trøndelága stáhtahálddašeaddji sáhtta biehttalit doarjjaohcama, jus barggut leat álggahuvvon ovdal go ohcan lea mearriduvvon.

Gáldu: [Lovdata](#)

Kommentárat mearrádussii

Eai leat kommentárat.

§ 7. Máksin

Ohcci čálalaš gáibádusa vuodul ja báikkálaš čuovvolanásahusa ávžuma vuodul, gč. §§ 4 ja 5, sáhtta Trøndelága stáhtahálddašeaddji oassemáksit juolluduvvon doarjagis gitta 80 proseantta rádjai, go unnimustá vástideaddji oassi doaibmabijus lea čadahuvvon.

Loahppa máksojuvvo go Trøndelága stáhtahálddašeaddji lea dohkkehan gárvvistandoaštusa/loahpparaporta ja duođaštuvvon goluid rehketoalločoahkkáigeasu. Doaimmain main lea rehketoalloárákkistangeatnegasvuohta, gáibiduvvo goluid árákkistuvvon rehketoallu.

Sáhtta gáibiduvvot sihkarvuohta doarjaga ovddas, ii ge leat vejolašvuohta daguhit doarjjagáibádusa earáide oapmin dahje pántan.

Gáldu: [Lovdata](#)

Kommentárat mearrádussii

Vuosttaš lađas: Oassemáksima ávžun

Jus ohcci áigu oažžut máksojuvvot osiid doarjagis, de ferte ávžut oassemáksima mii sáddejuvvo báikkálaš čuovvolaneiseváldái. Báikkálaš čuovvolaneiseváldi lea jogo suohkan dahje báikkálaš boazodoallohálddahus (ohcci báikkálaš stáhtahálddašeaddji).

Oassemáksima ávžuma oktavuodas ferte háhkat duođaštusa ahte vástideaddji oassi ohccojuvvon

doaibmabijus lea čađahuvvon. Báikkálaš čuoovvolaneiseválddis lea ovddasvástádus iskat ahte dárbblaš mildosat leat mielde, ja ahte doaibmabidju/oasit doaibmabijus leat čađahuvvon ovdal go oassemáksima ávžun sáddejuvvo Trøndelága stáhtahálddašeaddjai.

Nubbi lađas: Loahppamáksámuš

Maŋemus oassi doarjagis (loahppamáksámuš), dahje ollislaš doarjja jus oassemáksámušat eai leat ávžojuvvon árabut, máksojuvvot go gárvvistanduodaštus/loahpparaporta ja rehketdoalločeahkkáigeassu goluid badjel leat dohkkehuvvon Trøndelága stáhtahálddašeaddji bokte.

Goalmát lađas: Doarjjagáibádus ii sáhte daguhuvvot

Ii sáhte gáibidit sihkarvuoda doarjaga ovddas. Dat lea sihkkarastin dihte ahte doarjjavuostáiváldis lea dárbblaš ekonomalaš dilli čađahit doaibmabiju.

Ii leat vejolašvuohta daguhit doarjjagáibádusa earáide oapmin dahje pántan. Dainna oaivilduvvo ahte dušše áššemearrádusa beliin sáhttet gáibidit doarjaga. Ii sáhte pántta váldit doarjjagáibádusas, jus earáin livčče gáibádusat doarjjavuostáiváldái. Gáibádusa ii sáhte vuovdit, addit dahje sirdojuvvot eará láhkái earáide.

§ 8. Bearráigeahčču

Trøndelága stáhtahálddašeaddji galgá báikkálaš čuoovolanásahusa bokte gozihit doaibmabijuid mat ožžot doarjaga, gč. §§ 4 ja 5. Dát galgá bearráigeahččat ahte doarjjaeavttut čuvvojuvvojit. Doarjaga vuostáiváldi ferte dohkkehit bearráigeahču dán oktavuodas ja lea geatnegahttojuvvon addit dárbblaš čuvgehusaid.

Gáldu: [Lovdata](#)

Kommentárat mearrádussii

Eai leat kommentárat.

§ 9. Raporteren

Trøndelága stáhtahálddašeaddji galgá almmuhit doaibmabijuid gárvvistanduodaštusa/loahpparaportta ja rehketdoalločeahkkáigeasu beliide ja fylkka eanandoallo- ja/dahje boazodoalloeiseváldái.

Trøndelága stáhtahálddašeaddji raportere jahkásaččat Eanandoallo- ja biebmodepartementii doaibmabijuid birra madda ohccojuvvo ruhtadeapmi doarjjaortnega bokte.

Gáldu: [Lovdata](#)

Kommentárat mearrádussii

Eai leat kommentárat.

§ 10. Ruoktotmáksin

Jus čuožžilit dilit mat leat vuostalága doarjjaeavttuiguin, de sáhtta Trøndelága stáhtahálddašeaddji mearridit ahte doarjja galgá unniduvvot, dahje ahte doarjja galgá ruoktotmáksojuvvot ollásit dahje belohahkii. Trøndelága stáhtahálddašeaddji sáhtta gohččut čađahit liigebargguid dahje divodemiid.

Go ruoktotmáksima gáibádus lea ovddiduvvon, de sáhtta dat dollejuvvot eará investerendoarjagis ja buvttadanlasáhusas, maidda guoskevaš olbmós lea vuoigatvuohta, dahje berrojuvvot dábálaš njuolggadusaid mielde. Doarjaga ruoktotmáksima gáibádus ii sáhte ovddiduvvot jus lea gollan badjel 10 jagi doarjaga máksima rájes.

Gáldu: [Lovdata](#)

Kommentárat mearrádussii

Lea vejolaš ahte čuožžilit oktavuođat mat spiehkastit doarjaga máksima eavttuiguin. Sáhttet leat oktavuođat mat leat vuodđun juo ovdal go ohcá doarjaga, dahje mannel go doarjja lea máksojuvvon. Ovdamearkkat dakkár oktavuođaide sáhttet leat váilevaš mátasdoallan áiddis, ohcci addá boasttodieđuid ohcamis, dahje areála man doaibmabidju galgá suddjet ii áimmahuššojuvvo (geahča § 3 vuosttaš lađđasa kommentáraid). Ovdamearkkaid listtu ii leat dievaslaš.

Dakkár oktavuođain sáhtta Trøndelága stáhtahálddašeaddji árvvoštallat doarjaga unnidit, gáibidit ruoktot máksojuvvot oalát dahje belohahkii, dahje gohččut liigebargguid ja ođasmahttimiid dahkat. Unnideapmi mielddisbuktá ahte stáhtahálddašeaddji unnida doarjaga man ohcci livčče sáhttán oažžut. Stáhtahálddašeaddji ferte dahkat áššemearrádusa ruoktotmáksima birra gáibidan dihte máksojuvvon doarjaga máksojuvvot ruovttoluotta. Jus stáhtahálddašeaddji árvvoštallá dahkat áššemearrádusa ruoktotmáksima birra, de galgá ohccái sáddejuvvot diehtu, nu ahte ohcci sáhtta buktit ovdan cealkámuša áššis.

Liigebargguid ja ođasmahttimiid gohččun addá doarjjavuostáiváldái vejolašvuođa njulget dilálašvuođa amas doarjja unniduvvo dahje gáibiduvvo ruovttoluotta máksojuvvot. Jus doarjjavuostáiváldi oažžu dakkár gohččuma, muhto ii čuovo gáibádusaid, de dat dábálaččat dagaha doarjaga unnideami dahje ruovttoluottamáksima.

§ 11. Dispensašuvdna

Eanandoallo- ja biebmodepartemeanta sáhtta sierra diliin ložžet njuolggadusa mearrádusaid.

Gáldu: [Lovdata](#)

Kommentárat mearrádussii

Njuolggadusa “sierra oktavuođaid”-mearrádusain sáhtta dispenseret. Sierra oktavuohta sisttisdoallá dábálaččat áibbas erenoamaš ja eahpedábálaš dáhpáhusa. Dispenserenlohpi lea sihkarvuohtan dakkár diliide maid láhkaaddi ii sáhttán jurddašit dalle go dihto njuolggadus dahje eaktu mearriduvvui.

Dispensašuvnna ohcan sáddejuvvo Trøndelága stáhtahálddašeaddjái, mii sádde ohcama Eanandoallo- ja biebmodepartementtii giedahallamii. Dispensermearrádusat maid Eanandoallo-

ja biebmodepartemeantta lea dahkan leat loahpalaččat, ja daid ii sáhte váidit, vrd. § 12 nubbi lađas.

§ 12. Váidin

Mearrádusa dán njuolggadusa mielde sáhtta váidit Eanandoallo- ja biebmodepartementii guovvamánu 10.b.1967 lága vuodul hálldahusáššiid gieđahallama birra (hálldašanlága) VI. kapihttala mielde. Váidda sáddejuvvo Trøndelága stáhtahálldašeaddji bokte.

Juovlamánu 15. b.2006 Gonagaslaš resolušuvnna nr. 1456, ii leat vádinvoigatvuohta mearrádusaid hárrái maid Eanandoallo- ja biebmodepartemeanta lea dahkan dispensašuvdnaáššiin mat gusket doarjjaortnegiidda, gč. § 28. § 28.

Gáldu: [Lovdata](#)

Kommentárat mearrádussii

Eai leat kommentárat.

§ 13. Fápmuiboahhtin

Dát njuolggadus boahtá fápmui geassemánu 19. b. 2008. Seammás heaittihuvvo Njuolggadus doarjaga birra riidoeastadeaddji doaibmabijuide boazodoalu ja eará guoskevaš beali gaskavuodas, addojuvvon suoidnemánu 3. b. 1996 nr. 1467.

Gáldu: [Lovdata](#)

Kommentárat mearrádussii

Eai leat kommentárat.